

留守所下

可令早任先度國宣旨稻富名楳大夫高家孫口口成光進退領知田肆段田車事

右件田者依爲稻富名内先國司花山院大納言通藏原之時可被返付本名之由有御下知被付畢但

件田四反者爲彼名内者也而洩先度御下知之間類地之上者同可蒙御下知之由依申如元所充給

也仍可令進退領知之狀如件

弘安八年正月廿九日

稅所花押

國司代左近大夫將監高橋朝臣花押

〔異本元弘日記〕元弘四年二月尊氏賜武藏下總常陸三箇國直義遠江國義貞上野播磨二箇國同義助駿河國義顯越後國正成攝津河内二箇國長年因幡伯耆二箇國

〔太平記十二〕安鎮國家法事附諸大將恩賞事

此外國々ノ武士共一人モ不殘上リ集ケル間京白河ニ充滿シテ王城ノ富貴日來ニ百倍セリ諸軍勢ノ恩賞ハ暫ク延引ストモ先大功ノ輩ノ抽賞ヲ可被行トテ足利治部大輔高氏ニ武藏常陸下總三箇國舍弟右馬頭直義ニ遠江國新田左馬助義貞ニ上野播磨兩國子息義顯ニ越後國舍弟兵部少輔義助ニ駿河國楠判官正成ニ攝津國河内名和伯耆守長年ニ因幡伯耆兩國ヲ被行ケル其外公家武家ノ輩二箇國三箇國ヲ給リケルニサシモノ軍忠有シ赤松入道圓心ニ佐用庄一所計ヲ被行播磨國ノ守護職ヲバ無程被召返ケリサレバ建武ノ亂ニ圓心俄ニ心替シテ朝敵ト成シモ此恨トゾ聞ヘシ其外五十餘箇國ノ守護國司國々ノ闕所大庄ヲバ悉公家被官ノ人々拜領シケル間誇陶朱之富貴飽鄭白之衣食矣

千種殿并文觀僧正奢侈事附解脫上人事

中ニモ千種頭中將忠顯朝臣ハ略中主上後醜隱岐國へ御遷幸ノ時供奉仕テ六波羅ノ討手ニ上